



Сыр бойы

№156-157
(19638-19639)
20 ҚАЗАН,
СЕНБІ
2018 ЖЫЛ

ҚЫЗЫЛОРДА ОБЛЫСТЫҚ ҚОҒАМДЫҚ-САЯСИ ГАЗЕТ

1929 ЖЫЛДЫҢ 1 ШІЛДЕСІНЕН ШЫҒАДЫ

WWW.SYRBOYL.KZ



BUĞINGI SANDA

**SHETELDIK
JUMYS KUSHI:
EՆBEK ZANNAMASY
QALAI JÜZEGE ASÝDA?**

2 >>>



**«AILYǴYŇ
1 MILLION
200 MYŇ TENGE
BOLADY» DEDI**

3 >>>



**SYRDAǴY
ULTTYQ ÓNER
SALTANATY**

6 >>>

Prezident



КЕЛІСІМ ДИАЛОГЫ – КӨП ТҮЙТКІЛДІҢ ШЕШІМІ

Қазақстан Республикасының Президенті Нұрсұлтан Назарбаев Брюссельде өткен «Азия-Еуропа» форумының XII саммитіне қатысты.

Мемлекет басшысы саммиттің пленарлық отырысында сөйлеген сөзінде қақтығыстардың көбеюі, санкция және сауда соғыстарының өршуі жағдайында халықаралық саясат шиеленістің шегіне жетіп отырғанын атап өтті.

Біз бүгінгі «Азия-Еуропа» форумының саммитін осы проблемаларды шешу үшін пайдалануымыз қажет. Өкінішке қарай, қазіргі кезде әлем табысты диалог пен өзара түсіністікке қол жеткізе алмай келеді. Баріміз өткен ғасырдың 60-жылдарындағы Кариб дағдарысын еске салатын бүгінгі экономикалық және саяси тектерестерге куә болып отырмыз, – деді Қазақстан Президенті.

Нұрсұлтан Назарбаев бұл саммит АҚШ, Ресей, Қытай сияқты әлемнің ірі елдерін, Еуропа Одағын халықаралық шиеленістерді шешудің жолын іздеуге шақыруы қажет екенін айтты.

–Егер Сириядағы, Украинадағы және өзге де елдердегі проблемаларды реттемесек, ахуал одан да күрделене түседі. Баллистикалық ракеталардың таралу қаупі сөйлеп, халықаралық терроризм басты мәселе болып қала бермек, – деді Мемлекет басшысы.

Қазақстан Президенті әлемдік экономикадағы жағдайдың күрделене түсуіне байланысты кейбір кедей мемлекеттердің ахуалы одан әрі қиындайтынын айтып, адамзат үшін оның елеулі қауіп-қатер саналатынын атап өтті.

– Екінші Дүниежүзілік соғыс пен басқа да қақтығыстардан кейін мемлекеттер көшбасшылары тығыз ынтымақтасып, терроризммен күрес жүргізу ісінде ортақ шешімдер таба білді. Сондықтан, мен барлық елдерді диалогқа шақырып, келіссөздер жүргізу үшін Астана алаңын пайдалануды ұсынамын, – деді Нұрсұлтан Назарбаев.

Соңында Мемлекет басшысы Қазақстанның Азия мен Еуропадағы жаһандық сын-тегеуріндерге қарсы тұруға бағытталған серіктестікке белсенді атсалудыға лайын екенін тағы да атап өтті.

Саммит барысында Нұрсұлтан Назарбаев Жапония Премьер-Министрі Синдзо Абэмен және Корея Республикасының Президенті Мун Чжэ Инмен кездесті.

Тараптар халықаралық күн тәртібіндегі мейлінше өзекті проблемаларды, соның ішінде Корея түбегіндегі жағдайды реттеу мәселелерін талқылады.

Мемлекет басшысы Еуропалық комиссия төрағасы Жан-Клод Юнкермен кездесті.

Қазақстан Президенті кездесу барысында саммиттің дәстүрге сай жоғары деңгейде өткенін атап өтіп, Еуропалық комиссия төрағасын бийлғы желтоқсанда Санкт-Петербургте өтетін Жоғары Еуразиялық экономикалық кеңестің кезекті отырысына қатысуға шақырды.

Жан-Клод Юнкер «Азия-Еу-

ропа» форумының XII саммитіне Қазақстан делегациясының және Нұрсұлтан Назарбаевтың жеке өзінің қатысуының маңыздылығын жеткізді.

– 2008 жылғы Қазақстанға жазаған сапарым және әлемдегі тұрақтылық туралы әңгімеімз менің есімде. Біздің жиі кездесіп тұрғанымыз жөн, – деді Еуропалық комиссия төрағасы.

Тараптар халықаралық саясаттың күн тәртібін, соның ішінде жаһандық қауіпсіздік проблемаларын қарастырып, Еуразия экономикалық одағының Еуропа Кеңесімен ынтымақтастық мәселелерін талқылады.

Сонымен қатар, Қазақстан Президенті саммит барысында Қытай Халық Республикасы Мемлекеттік кеңесінің төрағасы Ли Кэцянмен, Ресей Федерациясының және Италия Республикасының премьер-министрлері Дмитрий Медведевпен және Джузеппе Контемен кездесті.

Jaña kitap

ЕГЕМЕН ЕЛДІҢ 100 ҚАЙРАТКЕРІ

Жуырда Алматы қаласынан осы атас анықтамалық-энциклопедия жарық көрді. Оған тәуелсіздік алған күннен бүгінге дейінгі егемен Қазақстанның қалыптасуына үлес қосқан қайраткерлер тұлғалардың ғұмырнамалық келбеті топтастырылыпты. Энциклопедияда еліміз деген азаматтардың қоғамды алға қозғатқан, ғасырға бергісіз 25 жылда мемлекетіміздің нығайған жолында жасаған еңбектері нақты деректермен көрсетілген.



Энциклопедияда Елбасы Нұрсұлтан Назарбаев, Бақытжан Сағынтаев, Гүлшара Әбдіқалықова, Қасым-Жомарт Тоқаев, Сағадат Нұрмағамбетов, басқа да қоғам және мемлекет қайраткерлері қатарында біздің жерлестеріміз – облыс әкімі Қырымбек Көшербаев, Еңбек ері Абзал Ералиев, Жеңіс Қашақбайұлы Піримов, Самұрат Имандосов, Махмұт Нәлібаев, Асқар Жұмаділдаев, Нұртөре Жүсіптің есімдерінің аталуы Сыр өңірі үшін мақтанш.

Энциклопедияның алғашқы КР Мәдениет және спорт министрі Арыстанбек Мұхамедиялы жазған. Ол өз заманының қаһармандарын танып, келешек ұрпақ сол кейіпкерлерге еліктеп өссе, патриоттық тәрбиеден ұтылмайтынмызды, Елбасы Н.Ә.Назарбаев жастардың үлгі алуына, заманауи Қазақстанның келбетін танытуға мүмкіндік беретін «100 жана есім» жобасын осы мақсатта ұсынғанын атап көрсетеді.

Энциклопедия көркем безендірілген. Авторлар оның бірінші серия екенін, келесі сериясы алдағы уақытта жарық көретінін жеткізеді.

Ж.Ә.ІМАХАН.

Nysan



Жаңа оқу орталығы ашылды

Бейсенбі күні Қызылордадағы «Жан-Арай» ЖШС-да жаңа оқу орталығы пайдалануға берілді. Қызмет көрсету нысанының ашылу рәсіміне облыс әкімі Қырымбек Көшербаев қатысты.

Назерке САНИЯЗОВА.

Мұнда банкет залы, 10 нөмірлі қонақүй, 50 орнылы хостел, сондай-ақ лаунж-бар, конференц және көрме залдары, оқу орталығы орналасқан. Кешеннің арт-директоры Еркебұлан Жәкетайдың

айтуынша, құрылыс жұмысы 2012 жылы басталып, еуропалық стандартқа сәйкес жүргізілді. Жаңа нысанда 50 адам жұмыспен қамтылған. Кешендегі оқу орталығында негізінен аграрлық сала мамандары білімін жетілдіреді. Ал қалаға жұмыс барысында келушілер, турист, студент, спортшылар хостел қызметін пайдаланып, ақшасын үнемдей алады.

Нысанның ашылу рәсімінде аймақ басшысы ауқымды жұмыстың ұйымдастырушысы болып, кәсіпкерліктің дамуына үлес қосып жүрген «Жан-Арай» ЖШС директоры, облыстық мәслихат депутаты Бақдәулет Мақашовқа ризашылық

білдірді. Оқу орталығы, қонақүй және мейрамхана кәсіпкердің жеке қаржысы есебінен салынған болатын.

Ауқымды агроиндустриялық орталықта осындай кешеннің ашылуы – өңір экономикасына инвестиция салудың және тұрақты жұмыс орындарын құрудың тағы бір жарқын көрінісі. Мұнда мамандардың тәжірибе алмасуы үшін мүмкіндіктер қарастырылған. Осы жерде елге пайдалы бизнес-жобалар дүниеге келеді деп сенеміз, – деді облыс әкімі.

Серіктестік директорының сөзіне қарағанда, жақында ғана мұнда ауыл әкімдеріне арналған

біліктілікті арттыру курстары өткен. Ауыл шаруашылығы қызметкерлері үшін кәсіпорында көрнекті тәжірибелік оқулар өткізуге жағдай жасалған.

Кәсіпорын негізінен мал шаруашылығына арналған жем өнімдерін шығарумен айналысады. Ал 2016 жылы кәсіпорында қаз осыру фермасы ашылды. Қазіргі уақытта агрокеңенде 250-ге жуық адам еңбек етеді. Зауыт тәулігіне 150 тоннаға жуық күріш, 170 тонна ұн, 80 тонна жем өнімін өндіреді.

Kásibi merеke

Сала мамандарына марапат

Биыл алғаш рет ҚР Үкіметінің қаулысымен қазан айының үшінші жексенбісі орман шаруашылығы қызметкерлерінің төл мерекесі болып белгіленді. Кеше атаулы күнге орай мерекелік шара ұйымдастырылып, жиында облыс әкімінің міндетін атқарушы Қуанышбек Ысқаков қатысты.

Айдана ЖУМАДИНОВА.



Мерекелеріне облыс әкімінің құттықтауын жеткізген Қуанышбек Досмайыұлы ел тәуелсіздігін алғаннан кейін экологиялық жағдайды жақсарту, адамның өмір сүруіне қолайлы жағдай қалыптастыру басты міндетке айналғанын атап өтті.

Қазақстанның шөлді аймағында орналасқан біздің аймақ үшін орман шаруашылығының қызметі аса маңызды. Бүгінде облыс аумағының 30 проценті мемлекеттік орман қоры құрайды. Облыстық табиғи ресурстар және табиғат пайдалануды реттеу басқармасына қарасты орман және жануарлар дүниесін қорғау жөніндегі 8 мемлекеттік мекеме бар, бұл салада 545 қызметкер еңбек етеді.

– Соңғы 5 жылда орман алқабының 50 мың гектарына сексеуіл және жеміс ағаштары егілді. Ал 25 жыл ішінде Арал теңізі ұлтанының қазақстандық бөлігіне 163 мың гектар аумаққа сексеуіл отырғызылып, бұл шөлейттенуге қарсы дүниежүзілік бастаманың жүйелі жүзеге асуына септігін тигізді. Сондай-ақ, биылдан бастап Оңүстік Кореяның орман шаруашылығы қызметімен бірлесіп, Арал теңізінің құрғаған ұлтанында фитоорман мелиоративті жұмыстары жүргізілуде, – деді Қуанышбек Ысқаков.

Жиында сала мамандарына облыс әкімінің Алғыс хаты, ҚР Ауыл шаруашылығы министрінің Орман шаруашылығы және жануарлар дүниесі комитетінің марапаттары, облыстық табиғи ресурстар және табиғат пайдалануды реттеу басқармасы басшысының Алғыс хаты табысталды.



ЕЛДІКТІ НЫҒАЙТҚАН ЕҢБЕК МЕРЕКЕСІ

Биылғы «Алтын дән» мерекесінің жалағаштықтар үшін маңызды ерекше болды. Астықты жиып, қамбаға құйып, арқаны кенге салған осынау мерейлі шакта аудан халқы туган жердің тұғырлы перзенттері, мемлекет және қоғам қайраткерлері Темірбек Жүргеновтің – 120, Линас Қабайловтың – 115, Социалистік Еңбек ері Ұзақ Еспановтың 90 жылдық мерейінің атап өтті. Халқымыздың саяси-мәдени өмірінде салмақты оры бар аға бұрынғы ерлігі мен еңбегін ұлықтауға арналған тарихи-танымдық шара өркені өскен елдің өмірлік құндылықтарын айқындай түскендей.

Ғазиза ӘБІЛДА.

